

明

史

明史卷三百二十八

列傳一百七十九

王時槐

陳嘉謨直隸

羅汝芳

楊起元梁汝元

周汝登

耿定向

弟定理

史桂芳

屠羲英

邁

蔡 悉

許孝遠

李 材

徐用檢

兄用光從子崇聚

唐伯元

鄧以讚 張元忬

孟化鯉

孟 秋

王時槐字子植安福人嘉靖二十六年進士除南京兵部主事歷福建僉事上杭溪南流民據險為亂時槐單騎往諭衆感悟斬其魁出降為建城置吏其地始靖三十五年倭陷詔安時槐擊破之復其城增俸

一級既而倭大至瀕海城邑悉被殘時槐坐停俸及賊通漳浦挾火器而前將士憚不敢擊時槐令以田車載草為顏行而自後疾擊遂連勝之賊遁去予俸如初無何廣東賊王子文流劫至境先所撫上杭民德時槐率眾邀于路破走之己倭又犯詔安時槐築城繕守境內獲金顏以廉軍資被劾當貶巡按御史樊獻科白其枉乃以故秩調四川陸光祖為文選雅知時槐遷尚寶少卿累進太僕少卿時馬政積弛時槐銳意振刷用法嚴下有死者為御史所劾降光祿少卿隆慶末出為陝西右叅政張居正柄國以京察

罷歸萬曆中張岳巡撫南贛疏薦之吏部言京朝官
六年考察祖制也若執政有所驅除非時一舉謂之
閏察而時槐與叅政林梓並在察中羣情不服請賜
召用自今永停閏察報可十九年先祖掌銓起貴州
左叅政旋擢南京鴻臚卿改太常並以年老不就久
之卒年八十四時槐少好禪學後同年生廬陵陳嘉
謨語以其師劉文敏之學文敏時槐邑人也遂從之
游有所得乃自悔曰自我歸究六經實證諸心而後
知併嘗珍異不若稻粱之為美也五十罷官屏絕外
務專志於學既篤老猶與同郡劉元卿鄒德溥羅大

紘鄒元標講習不倦學者稱塘南先生嘉謨字世顯
初為廬州推官有治行歷兵科左給事中以伉直不
附嚴嵩出為四川副使數平賊有功以憂去萬曆初
起湖廣叅政辭不赴卒年八十三先是吉安屬邑若
吉水安福泰和誅會大盛獨廬陵無聞焉自嘉謨倡
率繼起者遂彬彬稱盛時同郡以講學著者泰和胡
直由句容教諭舉嘉靖三十五年進士授刑部主事
嚴嵩以鄉人故欲引之謝不往直少從同邑歐陽德
游既又師事羅洪先其學雖宗姚江然精思實詣所
自得為多嘗為四川提學副使輯聖學心法以訓諸

生諸生多服從焉終福建按察使

羅汝芳字維德南城人嘉靖三十二年進士除太湖
知縣授講堂召諸生論學公事多決于講座吏民有
過諫諍誨諭刑設不用訟庭常虛焉遷刑部主事歷
寧國知府氏有兄弟爭產者汝芳引咎自責對之泣
下其兄弟悔悟涕泣息訟而去期開元會集士民誨
以孝弟忠信罪囚亦令聽講風教大行入覲值徐階
柄國勸階聚四方計吏誅掣階遂大會于靈濟宮聽
者數千人京師講會之盛前此未有也父艱去士民
泣送載道起補東昌移雲南屯田副使進叅政分守

永昌釋聖諭六條日興吏民及土官子弟講解詞旨
懇惻蠻人感悟泣下多改行者先是緬人莽瑞體據
擺古侵掠諸蠻龍川岳鳳毒殺宣撫多士卒率衆附
之惟孟養酋思簡倡諸蠻內嚮萬曆四年瑞體發兵
攻之思簡告急汝芳時署金騰兵併調土漢兵赴援
師次騰越思簡請汝芳由龍川邀其後而自率兵誘
緬人深入至要撒伏兵絕其歸道待汝芳共擊汝芳
刻期進師而巡撫王凝亟止汝芳兵不得前岳鳳遂
援瑞體間道遁去思簡追之緬兵大敗明年汝芳入
賀朝士從之問學為張居正所惡令言官劾罷之已

而緬賊蓋橫巡按御史陳文燧兵備副使胡心得經
理並有功後亦曾被廢至十三年巡撫劉世曾破誅
岳威給事中楊文舉上疏追訟曰文燧按滇值莽瑞
體憑陵思箇撫臣王凝養寇諱兵文燧獨列上十事
預策于五年之前其後悉驗有曲突之功汝芳攝事
金騰嚴哨守練土著精間謀軍聲大振疑忌之旗牌
一日五遣而汝芳之兵撤其在永昌騰越昆陽又大
興水利心得單騎入騰連有盜西臘底之捷又計擒
張大本父子斬刀落參岳鳳逆失勢臣謂三人皆當
叙錄章下吏部獨請召還文燧而請汝芳年衰不當

復煩吏事帝為詰責前論汝芳者而汝芳不果用初
汝芳從永新顏鈞講學既舉會試以所學未成十年
不就廷對鈞坐法繫南京獄當死汝芳供養獄中鬻
產救之得減戍汝芳既罷官鈞亦赦歸汝芳事之不
離側食飲必躬進人以為難始責溪徐樾得王守仁
之學于王艮以授鈞鈞詭怪猖狂其學歸于釋氏故
汝芳之學亦近釋時小陰王畿門徒最盛汝芳與顏
頤汝芳善談說每一吐詞四座盡傾時謂畿筆勝舌
汝芳舌勝筆所居官率以學為政而禪客朋流亦延
接不倦又性好濟物親故請求輒應被汙名不辭故

一時論者褒譏半之年七十四預尅死期予姓請更
留一日許焉次日端坐而逝門人私諡曰明德先生
汝芳高第弟子歸善楊起元味周汝登皆萬曆五年
進士起元選庶吉士適汝芳以樂南叅政入賀遂受
學時張居正方疾謬學汝芳旋為言官劾罷而起元
獨行意自如久之以編修使崇府遂迂道訪汝芳證
悟有得曰乃今如客得歸矣因繪汝芳像携之以行
出入必告三遷洗馬直講經筵上疏請崇聖志勤聖
學二十四年由國子祭酒擢南京禮部右侍郎復上
疏勸學再遷吏部左侍郎拾遺被劾帝不問未幾卒

天啓初追謚文懿汝登初為南京工部主事坐權稅
蕪湖不如額謫兩淮鹽運判官累遷南京光祿卿天
啓初謁告還里即家拜南京通政使會魏忠賢竊柄
辭不就莊烈帝嗣位詔加戶部右侍郎致仕卒年八
十四起元清修姱節有足稱者然其學殊不諱禪汝
登更欲合儒釋而會通之官南京時起元與許孚遠
狎主講席汝登參其間力主心體無善惡之說孚遠
不謂然作九諦難之汝登亦作九解申其說卒不相
下後汝登輯聖學宗傳盡採先儒語類禪者入之蓋
為識者所怪蓋萬曆世士大夫講學者多類此而顏

鈞之徒又有梁汝元者吉安永豐人後易姓名何心
隱為人狂誕類鈞嘗入京師遇司業張居正于僧舍
出語人曰分宜欲滅道學而不敢華亭欲興道學而
不能能興滅者此人也他日當國必殺我分宜謂嚴
嵩華亭謂階也後以秘術授方士藍道行卒逐嵩去
汝元以此益有名及居正擅朝惡劉臺傳應禎劾己
遂并惡言安人而汝元又寄刺居正奪情居正益恚
時汝元方講孝孝感密令湖廣巡撫陳瑞殺之瑞遽
去王之垣代為追捕獲于祁門箠之數十下獄死
耿定向字在倫黃安人嘉靖二十五年進士除行人

擢御史時嚴嵩父子竊政吏部尚書吳鵬附之賊穢
狼籍定向疏列鵬六罪因言鵬壻學士董份總裁會
試鵬子紹得中式亦宜併斥疏上嵩為營護事竟寢
出按甘肅舉劾無所私比去任行簡可一局有以石
經魏者留境上而去還督南畿學政渠諸生以古誼
有賢行者優禮之為社學擇師訓編氓以六諭俾父
老轉相告誡政翕然有聲隆慶初疏請明學術正人
心且言股肱耳目之臣能去一己之私而誠心為國
則太平自致帝報聞尋擢大理右寺丞先是高拱執
政定向嘗譏其褊淺無大臣度拱嫌之及起掌吏部

遂以考察誦定向橫州判官拱罷量移衢州推官萬曆初累遷太僕少卿擢左僉都御史以憂歸六年起撫福建時方度田定向條八法布之屬縣民稱便修保甲鄉約共職海寇林道乾復以憂去十二年薦起故官佐都察院尋進左副都御史時吏部侍郎陸光祖為御史趙之翰所劾光祖已留定向復頌光祖賢之翰奏失實之翰遂被責而給事中李以謙言定向不當擠排言官定向求去帝皆不問歷刑部左右侍郎擢南京右都御史十七年秋御史王藩臣劾應天巡撫周繼疏發踰月不以白定向定向怒守故事

力爭自劾求罷且誠藩臣論劾失當因言故江西巡撫
陳有年四川巡撫徐元泰並與掄稱賢為御史方萬
山王麟趾劾罷今宜召用而量罰藩臣藩臣坐停俸
二月于是給事中許弘綱觀政進士薛敷教南京御
史黃仁榮及麟趾連章劾定向麟趾言南臺去京師
遠章疏先傳人得為計如御史孫鳴治論魏國公徐
邦瑞陳揚善論主事劉以煥皆因奏辭預聞一則黃緣
倖免一則掄撫被誣故邇來投揭有遲至浹月者事
理宜然非自藩臣始語并侵大學士許國左都御史
吳時來副都御史詹仰庇會當事多不直言者勒敷

教還籍省過麟趾仁榮亦停俸時已除定向戶部尚
書督倉場定向因力辭求退章屢上乃許卒年七十
三贈太子少保謚恭簡定向立朝有時望然歷嚴嵩
徐階張居正申時行王錫爵五輔皆不甚齟齬故世
或謂之通馬定向之舉本王守仁然其立說不尚高
遠謂道非愚夫愚婦知能者即不可為道嘗招晉江
李贄來黃安後見贄狂禪惑世漸惡之贄亦屢訾定
向短而士大夫好禪者往往去從贄游贄少有才其
機辯足鼓動人定向不能勝也贄以舉人為姚安知
府一旦自去其髮猶冠服坐堂皇上官知之勒解任

去既去黃安益猖狂自恣日引士人講學雜以婦女
其說專崇釋氏至平侮孔孟後為給事中張問達所
劾逮死獄中天下快之定向弟定理定力並有名定
理少讀書不成父督過之時時獨行空谷中憂憤不
知所出自是研精覃思深通禪理定向教主務實而
定理常用禪機導人卒以諸生終定力隆慶中進士
除工部主事故嘗受業張居正又座主也欲引之定
力深自避匿萬曆中累官右僉都御史督操江疏陳
曠使固利數奸後患巨測請責成所司練兵儲餉無
何有上新河之變賴其畫底定再遷南京兵部右侍

邵卒贈尚書

史桂芳字景實鄱陽人嘉靖三十二年進士除歙縣知縣廉直愛民督師趙文華檄取萬金獨師桂芳不應文華怒幾得罪遷南京刑部主事歷延平知府敝衣決屨携一僕之官盡汰府中冗費甫七日以祖母憂歸起補汝寧咨民疾苦有聞輒行朔望率鄉約縛重囚馬前笞之而賚善人粟帛鼓吹導以歸遂平知縣素貪聞之流涕翻然改行郡有孝女不嫁養其父桂芳躬造其廬拜馬孤行已意不事交際他過客及上官往往迂道避去居恒緼袍糲食人不能堪處之

怡然也隆慶二年大計外吏給事中張南皋桂芳治
行異等當路有病其矯者僅遷兩浙鹽運使老樗送
者萬餘人咸歎息泣下抵浙復以他事議調遂歸家
居三十年累薦不起卒初嶺南鄧德昌傳陳獻章之
學以授高安傅明應桂芳讀書白鹿洞明應一見奇
之告以所得桂芳遂從受學為人清苦介特與耿定
向友善而數規其失官南京時定向以御史視學政
桂芳問所以為者定向曰第優等多預賢書便稱良
矣桂芳怫然曰若亦為是語耶若居是官不思正人
心挽士習顧以俗吏自居耶拂衣起定向行部供張

過伶桂芳見之嘆曰富貴移人諒哉若家世素樸何亦乃溺其直諫不容人過如此

屠羲英字淳卿寧國人嘉靖三十五年進士授戶部主事歷禮部祠祭郎中時世宗好禱祠尚書袁燁務迎合羲英少所詭隨出為浙江提學副使持法嚴諸生楊恩奉教部內貴族竿牘無所徇歷南京光祿卿張居正當國禁朝士講學羲英曰官可棄學不可不講第毋為聲嫌可耳與同志會講不輟會南京監生茅迪吉數輩不率祭酒殷邁殷邁家僅幾死迪吉等坐戍邁亦引去居正以國學教弛議擇嚴師振飭

之以義英督學有方特改太常卿掌南監事中嚴條約六館肅然及居正遭父喪南部尚書潘晟等公疏請奪情義英歎曰黃扉之上墨鍊聽政不能爭顏勸之耶况儼然為人師烏能與世浮沉為異倫玷典司業周子義執不署名居正聞之怒義英遂再疏乞休給事中王蔚亦希指劾之遂罷歸居正浚廷臣交薦堅卧不出卒于家義英當官不撓居鄉亦梗梗不以情掩義或病其太刻然清勁之操初終如一足為縉紳儀表子玄極進士南安知府孫紹舉由恩貢生為上津知縣流賊陷城被執不屈死邁南京留守衛人

嘉靖二十年進士授戶部主事告改南京吏部考績
入都朝論欲留之北都辭不就歷浙江提學副使有
夫亡而婦從死者議者欲旌之邁曰婦以守死不貳
為節從死非中制也乃寢萬曆初歷南京禮部右侍
郎四年就署國子監事罷歸邁自為諸生即奮曰舉
不究本原徒取世資非夫也生平刻志自好泊于榮
利通籍四十年計在官之日僅十三前後連起官皆
建而後應其學以良知為宗禪燈僧榻不諱其述云
蔡忠字士傳令肥人嘉靖三十八年進士授常德推
官建議築郭外六堤以免水患擢南京吏部主事謝

病去隆慶初起官再謝病聞羅汝芳講學徃從之遊
起南京禮部郎中後告歸神宗立大計京朝官悉以
嘗忤當路誦汝州同知遷南京太僕丞後請告言官
屢薦不起萬曆十九年始以給事中陳尚象薦起光
祿丞疏乞修省以弭天變及請立東宮皆不報倭事
起石星與悉同年語悉曰事不濟則繼之以死悉曰
中樞繫天下安危奈何輕言死要在所用得人耳星
果以誤用沈惟敬敗尋遷南京光祿少卿以母病便
道歸省久之未上南京給事中以為言帝不問且勅終
養官母得一概強起及母服闋起南京尚寶卿時方

四出開礦悉貽書中使言六安山係皇陵來脉不可
開乃止移署南京國子監刊古本大學訓諸生因乞
休極論礦稅之志帝不憚遂令致仕孫丕揚再為吏
部重卷名德推為太僕少卿帝不用而志年已八十
未幾卒于家悉有學行恬于宦情通籍五十年家食
強半清操亮節淮西人士咸宗之

許孚遠字孟中德清人嘉靖四十一年進士授南京
工部主事督龍江閘及瓜儀河道並著廉聲運舟入
楫例輸米舟五石孚遠欲革之不可乃命輸五之一
猶得米四千石用千石築堰千石賑貧餘建倉貯之

以傳不虞遠近頗爲尋調南京吏部尚書胡松知其
賢及入掌銓衡遂調之北部文選郎中胡汝桂自附
講學每暱就乎遠同列疑其斌否人物咸忌之而同
年生王篆尤甚及楊博及松雅不善講學每抑乎遠
會大計京朝官所黜浙人幾半博御山雨無一馬乎
遠有後言博聞之不悅乎遠遠移疾去高拱秉鉉起
考功主事出爲廣東僉事時海濱有倭警大盜李茂
許俊美復助之勢張甚乎遠勅二軍以一軍軍石城
村一軍軍烏嶼薄之賊大懼乞降且願縛倭自効將
帥希功將獲其衆賊復逃去乎遠急航海示以誠信

賊感泣果擒倭黨七十餘輩以降錄功賚銀幣旋移
福建神宗立拱罷政張居正議遂拱黨復大計京朝
官而王篆適為考功誣李遠拱黨謫兩淮運司判官
李遠素受業同鄉唐樞既被謫請于樞將終隱焉樞
曰我年三十建言歸今七十有四矣此四十餘年中
未嘗一日忘仕也惟枉己則不可耳李遠乃之官歷
兵部車駕郎中居正偶問及馬政李遠條對甚晰居
正悅有意用之而篆時佐都察院卒為所間出知建
昌府為政先教化暇輒集諸生講書新城貢士鄧元
錫為行著書躬造其廬謁馬及南昌貢士劉元卿皆

引為講學友尋以給事中鄒元標薦擢陝西提學副
使後敬禮貢士王之仕移書當路并元卿元錫薦之
後三人並得徵由孚遠啓之也十五年召為應天府
丞高淳有窪田直當塗下流高淳人欲築堤而堤址
入當塗界遂相關有殺傷者數十年莫決適孚遠邑
人章嘉禎為當塗乃共平其訟而堤成民永賴焉坐
為李材投揭訟寃貶二秩改外任由廣東僉事再遷
右通政二十年擢右僉都御史巡撫福建時倭陷潮
鮮議封貢本兵石星遣人往日本偵之孚遠遂令海
商二人同往已而歸報得諸酋相讐狀孚遠因請勅

諭日本檄新平秀言天朝不封充逆錄能除充逆者
且言莫妙于用間莫急于侮禦莫重于征勦星不能
從其後封事竟不成海故有禁而奸人鬬出不可止
急之遂為盜乎遠請弛其禁官給符遣之私出者罪
無赦呂宋者南海小國也素通市場至是其苛之于
訟商人襲殺其父掠其寶乎遠以聞詔戮罪人厚犒
其使福州大被饑民嘯聚劫掠官府皆避匿乎遠檄
其倡首者亂稍定給事狀隨龍御史甘士价等遂劾
乎遠歲荒不賑頓城米直致商旅不通人情愈困宜
罷斥帝置不問所部多傳田乎遠稽佐制諸以四分

給僧其六入官給僧者畝輸銀八分入官者增三之一又募民墾海壇地至八萬三千有奇取其稅築城建營舍聚兵守之海壇遂為雄鎮因請推行于南日彭湖及浙中陳錢金塘玉環南麂諸島部議皆報可居三年入為南京大理卿就遷兵部右侍郎二十六
年以左侍郎調北部甫半道言官拾遺論及李遠遂乞罷疏屢上乃許又數年卒于官贈南京工部尚書後謚恭簡孚遠知建昌時與郡人羅汝芳講學不合及官南京而汝芳門人楊起元適為禮部侍郎兩人並以尊官領袖學者然持論每齟齬為孚遠前撫福

建與巡按御史陳子貞不相得至是子貞方督學而
幾遂密謁全列拾遺劾之然子遠學行實高潔不以
是損也從子遠遊者馮從吾劉宗周丁元薦皆為名
儒

李材字孟誠豐城人父尚書遂自有傳材舉嘉靖四
十一年進士授刑部主事素從鄒守並講學自以學
未成乞假歸訪唐樞王畿錢德洪于浙相與問難陰
廣中遂朝率僚友講學如故全舍卻鄭汝璧心折請
為弟子再遷兵部郎中出為廣東僉事羅旁賊猖獗
材襲之周高山破之設屯以守賊有三衆在新會境

調副總兵梁守愚由恩平入遊擊王瑞由德慶入身督兵出肇慶中道假伐木為名夜半兩軍畢會斬首五百級俘獲四百人燬廬舍千餘空其地募人田之亡何倭賊五千三道入寇攻陷電白大掠而去材勒兵急追懸金為購衆爭奮及賊于石城肉薄畢登新二百餘級衆潰散復設伏海口伺其遁而殲之奪婦女三千餘人皆還其家會謀言倭自黃山間道潰而東材大驚曰彼無宿兵必有奸人導之搗虛當以奇破之乃詐為榜具言大軍分數道至倭果疑遂從故道材迎擊盡殺之又追襲雷州倭悉英利皆遁去

賊渠許恩擁衆二千人劫陽江復繫隲之錄功進副
使萬曆初張居正柄國不悅材遂引疾去四年兩廣
總督凌雲翼薦材請仍用之廣東居正不許居正卒
始起官山東以才調遼東開原尋遷雲南洱海參政
楚雄諸處有鹽井奸民私其利擁衆拒捕材曰禁之
則愈爭莫若弛禁而薄征之使民取其贏地無遺利
即條上行之十三年進按察使併兵金騰金騰地處
絕徼外接緬甸而孟養蠻莫兩土司介其間為緬所
脅叛服不常緬部目曰大叢長曰散奪者率數千人
盤據其地材謂不收兩土司無以制緬遣人賫貨入

蠻莫誘令合孟養攻緬而馳檄諭以威德兩土司果
來歸因使指揮陳一龍擇要害地將兵居之聯絡訓
練為戰攻計而間討抗命之夸曰阿坡者以示威居
頃之緬遣兵來爭蠻莫蠻莫不應材曰制緬立威在
此舉矣使把總李朝合兩土司兵擊敗緬衆殺大叢
長遂散奪去緬帥奔應裡大恚孟養遣兵來孟養復擊
沉其舟斬其將一人乃退有猛密者地在緬境數為
緬侵奪舉族內徙有司居之戶碗至是緬勢稍屈材
資遣還故土亡何緬人驅象為陣大舉復讐兩土司
告急材遣遊擊劉天俸率把總寇崇憲等出威緬渡

金沙江與孟養兵會于遮浪迎擊之賊大敗生擒繡
衣賊將三人巡撫劉世魯總兵官沐昌祚以大捷聞
詔令覆勳未上而材擢右僉都御史撫治鄖陽材好
講學生徒聞風雲集行李往來率遣部卒供使卒多
怨又徇諸生請改泰將公署為學宮時泰將米萬春
初至聞而大怒諷卒為變故門卒梅林者怨材斥已
遂鼓衆大譟馳入城縱囚縱諸生盧直趨軍門材聞
變杜門亂卒縱橫道上挾取賁銀四十緡洶洶不解
居二日萬春揭材列軍中不便十二事脅之更易且
盡收諸門鎖鑰而令上疏歸罪副使丁惟寧知府沈

鉄等材俱隱惡從之又迫材閹操諷諸軍求增月餉
惟寧憤責數萬春萬春大怒嗾衆鼓譟欲殺惟寧惟
寧跳免材遂復劾惟寧激變避之襄陽于是詔下鉄
等吏貶惟寧三官而材亦還籍候勘時十五年十一
月也已御史楊紹程劾萬春首亂宜罪其座主申時
行阮之置不問旋調天津善地而材以雲南事被訐
遂獲重譴初有詔勘征緬功巡按御史蘇鄭言斬馘
不及千破城拓地皆無驗且所奏猛窳地尚為緬據
材天俸等虛張功伐而副使陳巖之與相附和宜並
罪帝怒削世曾籍奪昌祚祿一年材巖之天俸俱逮

下詔獄刑部尚書李世達左都御史吳時來大理少卿李棟等當材天俸徒嚴之錫秩帝不懌奪部中御史寺正諸臣俸典詔獄李登雲等亦解官於是改擬遣戍特旨引紅牌說謊例坐材天俸斬嚴之除名聞臣時行等數數為之解刑科都給事中唐克欽等亦上言材等以夸攻夸功不可泯今以奏報偶虛坐之以次假使全虛無實掩罪為功陛下何以罪之設不幸坐失城池全軍不返陛下又何以罪之帝皆不聽自是幽繫五年論赦者五十餘疏已天俸以善用火器釋令立功時行等復為材中理皆不省亡何孟養

遣使入貢具言緬人侵軼天朝救援破敵有狀聞興
兵者在獄衆皆流涕而楚雄士民聞世祥等亦相率
詣闕訟寃帝意乃稍解命再勘勘至材罪不掩功大
學士王錫爵等再疏為言帝故遣之至二十一年四
月始命遣戍鎮海衛材所至輒聚徒講學繫獄時縉
紳就問不絕既至戍所從之者尤衆時許事遠巡撫
福建素與材同志友善日相過從材以此忘其羈旅
延接縉紳猶持都御史故體衛帥入謁行屬禮不少
辭人以此議之久之赦還卒年七十九材之學雖受
之守益以上按王守仁然不循其軌轍以大學知止

知本為鵠標其宗旨曰止修學者稱苑羅先生
徐用檢字克賢蘭谿人嘉靖四十一年進士授刑部
主事歷禮部儀制郎中疏請穆宗躬行郊祀太子及
期出閣擢山東副使坐大計不及調江西泰議萬曆
初改陝西提學副使講道論藝諸生信向焉遷浙江
叅政分守蘇松歲饑吳江民群譁于軍門巡撫欲罪
之用檢曰人有急則呼天呼父母此嗷嗷者是也竟
從寬釋坐失囚議調以內艱歸廬墓側芝生于階起
福寧兵倂副使歷廣東按察使暹羅占城諸國航海
行賈衆且萬人奸民復與婚媾遠近以為憂用檢諫

策防禦患乃陞由河南左布政使拜南京太僕卿改
太常予告歸年八十四卒用檢為人方毅廉直所至
有惠愛少受業錢德洪宗良知之學後見學者務為
虛遠乃以志學為教日就平實門人羅大紘曰先生
身任斯文之責垂五十年所謂仁為己任死而後已
者劉一燾曰先生自意念達于言動居家及于守官
堅定其志實踐其功所謂不易乎世不見是而無悶
者也其為學人尊服如此兄用先字成字舉進士為
工部主事歷郎中嘗治水畿南築隄千八百丈疏蘆
溝水俾無傍溢畿輔賴之督臨清磚廠兼視河防持

法不撓中貴道其地者率歛威去贏利一無私焉此
去任州人祖送百里外會病不能具湯藥有以藥資
進者厲色却之竟卒於道用光子學聚字敬與萬曆
十一年進士除浮梁知縣縣有景德鎮編戶數萬率
業陶奸民窟穴其中時起爭鬪學聚至閔乃息詞吉
水仍歲旱潦極恤有方民無死徙嘗築堤三十里衆
號徐公堤十七年召拜禮科給事中黔國公沐昌祚
請用閹者二十人學聚據故事劾而寢之寧府自宸
濠誅諸宗節制無人羣起竄競或至劫殺學聚請如
周府設宗學擇行優者為宗正以約束之志稍息出

為湖廣僉事歷福建左布政使就拜右僉都御史巡撫其地稅使高家廣納奸人為爪牙固境內遺利有潘秀張寢者誘紅毛番為互市其人遂乘大船直薄彭湖濱海倂懼學聚檄將吏拒之而馳疏極陳五患遂屬秀等吏番亦引去海外呂宋國有機易小寢及奸人閻應龍妄言地產金銀採之歲獲數十萬來為請于朝許之其國聞而大懼盡殺中國商在其境者上萬餘人學聚以聞帝立命誅寢等傳首海上而下守臣議制置之宜或言宜討學聚以由在中國且用師海外非計茅檄責數其罪令還我稱弱而已聞

地去京遠所貢生物煩費不貲學聚請令民輸直公
私大便以彼勅罷歸卒贈右副都御史

唐伯元字仁卿澄海人萬曆二年進士歷知萬年泰
和二縣並有惠政民生祠之遷南京戶部主事進郎
中伯元受業永豐呂懷踐屢薦寶而深疾王守仁新
說惑世誣民及守仁從祀文廟上疏爭之因請黜陸
九淵而躋有若及周程張朱五子於十哲之列祀羅
欽順章懋呂柟魏校呂懷蔡清羅洪先王艮于鄉疏
方下部旋為南京給事中鍾宇淳所劾謫海州判官
累遷尚寶司丞吏部尚書楊魏雅不喜守仁之學心

善伯元前疏用為吏部員外郎歷考功文選郎中佐
尚書孫丕揚澄清吏治苞苴不敢及其門秩滿推太
常少卿未得命時吏部推補諸疏皆留中伯元言賢
愚同滯朝野咨嗟由臣擬議不當所致乞賜罷斥帝
得疏不懌特允其去而諸疏仍留不下居二年甄別
吏部諸郎帝識伯元名命改南京他部而伯元已前
卒伯元清苦淡泊人所不堪甘之自如為嶺海士大
表儀表

鄧以讚字汝德新建人張元忭字子蓋紹興山陰人
二人皆生有異質又好讀書以讚幼見父與人論學

輟牽衣尾之間出語類風儒父聞其勤學嘗局之升
室元忤素羸弱毋戒毋過勞乃藏燈幕中俟毋寢始
誦以氣節自負聞楊繼盛死為文追錄之慨慷泣下
父天復以進士歷雲南副使嘗將兵擊武定賊鳳繼
祖有功已賊還襲武定官軍收績巡撫呂光洵大發
兵進討竟城之至隆慶初議者追理前失亡狀逮天
復赴雲南對簿元忤適下第還萬里護行已復馳詣
闕下白冤當事者憐之天復得削籍歸隆慶五年以
讚舉會試第一廷試第三授編修而元忤以廷試第
一授修撰萬曆初座主張居正枋國政好紛更以讚

時有匡諫居正弗善也移疾歸久之不出間一入都
補官旋復引退十七年詔起中允管司業事行至中
途復以念母返再起南京祭酒力辭不允乃強就職
善誨誘六館之士多化之二十年擢南京禮部右侍
郎就轉吏部協主大計再疏請建儲三王並封議起
抗疏論待嫡之非且言中宮鍾愛元子其願早正春
宮視臣民尤切陛下以厚中宮而緩冊立殆未諒中
宮之心也况信者國之大寶建儲一事屢示更移將
使詔令不信於天下非所以重宗廟安社稷也會廷
臣多諫者事竟寢尋召為吏部右侍郎力辭不拜以

鑽全第二十餘年在官僅滿一考居母憂不勝喪而卒贈禮部尚書謚文潔元忬嘗抗疏救御史胡濙又請進講列女傳於兩宮修二南之化皆不省授內侍書作訓忠諸吟全歌之俾曉大義萬曆十年奉使楚府還過家省母既行心動輒馳歸僅五日母卒元忬奉二親疾湯藥非口字弗進居喪毀瘠遵用古禮盡革宴賓事佛諸敝習鄉人多化之服闋起守故官十五年進左諭德直經筵先是帝登極覃慶元忬請移已恩復父官詔許給冠帶至是復申前請格不從元忬泣曰吾無以下見父母矣遂怏怏得疾卒天啓初

追謚文恭以讚元忞自未第時即從王幾游傳良知之學然皆篤于孝行以讚品端志潔而元忞以實踐為基矩矱儼然無一時墮態點明流入禪寂之弊元忞子汝霖汝懋皆進士汝霖江西參議汝懋御史孟化鯉字叔龍河南新安人孟秋字子成荏平人化鯉年十六慨然以聖賢自期而秋兒時受詩至桑中諸篇輒棄去不竟讀化鯉舉萬曆八年進士授戶部主事時相欲招致之辭不往權稅河西務清白自操與諸生講學河西人尸祝之南畿山東大饑奉命往賑全活多改吏部歷文選郎中佐尚書孫鑣點陟居

籍甚時內閣權重每銓持必先白化鯉獨否中官請
托復不應以故多不悅都給事中張棟先以建言削
藉化鯉奏起之忤旨奪堂官俸謫化鯉及員外郎項
德弘主事姜仲弼雜職閹臣疏救命以原品調外項
之言官復交章故帝益怒奪言官俸斥化鯉等為民
既歸築書院川上與學者講習不輟四方從遊者恒
數百人久之卒學者稱雲浦先生秋舉隆慶五年進
士為昌黎知縣有善政遷大理評事去之日老稚載
道泣留以職方員外郎督視山海關關政久弛奸人
出入得自擅秋禁之嚴或諷少寬秋不可竟中流言

萬曆九年京察坐貶歸家與妻挈共駕一牛車道旁
觀者咸歎息許手遠寄過張秋造其廬見筇屐數椽
書史狼籍其中歎曰孟我疆風味大江以南未有也
我疆者秋別號也秋既沒廷臣為請謚者章數十上
天啓初賜謚清憲化鯉自貢入太學卽與秋以道義
相勗後為吏部郎而秋官尚寶相與比舍居食飲起
居無弗共者時人稱二孟化鯉之學得之路陽尤時
熙而秋受業于邑人張後覺時熙劉魁弟子後覺顏
鑄弟子也兩人雖本王氏學然不為高渺之論化鯉
其無欲其教人必于孝弟忠信而要之慎獨秋踐履

篤實造次不違則是以君子有取焉

論曰陸萬間自徐階好王氏學海內士夫群以講席為聲譽其實所講非學也時宰惡而遏之未為無見顧適之而彌張亦豈無其故乎且夫敎敬之道惟貴實而已實則是虛則非矣寧俟於多辨乎茲諸臣固皆講學中人也雖其為說未盡執于正而制行矯如不可謂非篤志之士也且其間敎正良知有功斯道後不細叙而錄之亦聖賢與人為善之意云

明史卷三百二十九

列傳一百八十

徐貞明

張朝瑞

丘度

傅好禮

吳

定

鄒觀光

王

教章嘉禎

劉憲寵

洪文衡

鮑應鰲

歐陽東鳳

王述古

姜志禮

馮應京

何棟如

王之翰

麻容

劉永澄

徐貞明字孺東貴溪人父九思見循父傳貞明舉隆

慶五年進士知浙江山陰縣敏而有惠萬曆三年徵

為工科給事中會御史傅應禎獲罪貞明入獄調護

坐貶太平府知事十三年累遷尚寶司丞初貞明為

給事時嘗上水利軍班二議謂神京雄據上游兵食
宜取畿甸今皆仰給東南豈西北古稱富強之地不
足以寶廩而練卒乎夫賦稅所出括民脂膏而軍船
夫役之費嘗以數石致一石東南之力竭矣又河流
多變運道時梗竊有隱憂聞陝西河南故渠廢堰在
在有之山東諸泉引之率可成田而畿輔諸郡或支
河所經或澗泉自出皆足以資灌溉北人未習水利
惟若水害不知水害未除正由水利未興也蓋水聚
之則為害散之則為利今順天真定河間諸郡桑麻
之區半為沮洳由上流十五河之水惟洩于滹兒一

灣欲其不泛濫而壅塞勢亦難矣今誠于上流疏渠
濬溝引之灌田以殺水勢下流多開支河以泄橫流
其從之最下者留以蓄水稍高者皆如南人築圩之
制則水利興水患亦除矣至于永平灤州抵滄州慶
雲地皆舊葦土實膏腴元虞集欲于京東濱海地築
塘捍水以成稻田若做集意招徠南人俾之耕藝北
起遼海南濱青齊皆良田也宜特簡憲臣假以事權
毋阻浮議需以歲月不取近功或撫窮民而給其牛
種或任富室而緩其征科或選擇健卒分建屯營或
招徠南人許其占籍俟有成績次及河南山東陝西

庶東南轉漕可減西北儲蓄常充國計永無絀矣其
議軍班則言東南民素柔脆莫任遠戍今數千里身
軍離其骨肉而軍裝出于戶丁幫解出于里甲每軍
不下百金而軍非土著志不久安輒賂衛官求歸衛
官利其賂且可以冒餉也因而縱之是困東南之民
而實無補于軍政也宜倣匠班例軍戶應出軍者歲
徵其錢而召募土著以足之便事皆下所司兵部尚
書譚綸言勾軍之制不可廢工部尚書郭朝賓則以
水田勞民請俟異日事遂寢及貞明被謫至潞河終
以前議可行乃著潞水客談以畢其說其畧曰西北

之地旱則赤地千里澇則洪流萬頃惟雨暘時若庶
樂歲無饑此可常恃哉惟水利興而後旱潦有併利
一中人治生必有常稔之田以國家之全盛獨待哺
于東南豈計之得哉水利興則餘糧棲畝皆倉庾之
積利二東南轉輸其費數倍若西北有一石之入則
東南省數石之輸久則蠲租之詔可下東南民力庶
幾稍甦利三西北無溝洫故河水橫流而居民多沒
修復水田則可分河流殺水患利四西北地平曠寇
騎得以長驅若溝澮盡舉則田野皆金湯利五游民
輕去鄉土易于為亂水利興則業農者依田里而游

民有所歸利六招南人以耕西北之田則民均而田
亦均矣利七東南多涵後之民西北罹重徭之苦以
南賦繁而後減北賦省而使重也使田墾而民聚則
賦增而北徭可減利八沿邊諸鎮有輸轉不煩利九
天下浮戶依富家為佃客者何限募之為農而簡之
為兵屯政無不舉矣利十塞外之卒土著者少屯政
舉則兵自足可以省遠募之費甦班戍之勞停勾攝
之害利十一宗祿浩繁勢將難繼今自中尉以下量
祿授田使自食其土為長子孫計則宗祿可減利十
二修復水利則做古井田可限民名田而自昔養民

之政漸可舉行利十三民與地均可倣古比閭族黨
之制而教化漸興風俗自美利十四也譚綸見而美
之曰我歷塞上久知其必可行也已而順天巡撫張
國彥副使顧養謙行之薊州永平豐潤玉田皆有效
及是貞明還朝御史蘇瓚徐待力言其說可行而給
事中王啟民又特疏論薦帝乃進貞明少卿賜之勅
令往會撫按諸臣勘議時瓚方奉命巡閱復獻議曰
治水與墾田相濟未有水不治而田可墾者畿輔為
患之水莫如蘆溝漕汜二河蘆溝發源于桑乾漕汜
發源泰戲源遠流長又合深易濡泡沙滋諸水散入

各從而泉渠溪港悉注其中以故高橋白洋諸淀大者廣圓一二百里小亦四五十里每當夏秋淫滂膏腴變為鵝鹵菽麥化為荻葦甚可惜也今治之策有三濟河以決水之壅䟽渠以殺淀之勢撤曲防以均民之利而已帝并下貞明貞明乃躬歷京東州縣相原隰度土宜周覽水泉分合條列事宜以上戶部尚書畢鐸等力贊之因採貞明議䟽為六事請郡縣有司以墾田勤惰為殿最聽貞明舉劾地宜稻者以漸勸率宜黍宜粟者如故不遽責其成召募南人給衣食農具俾以一教十能墾田百畝以上即為世業子

孫得寄籍入學其卓有明效者倣古孝弟力田科量授鄉遂都鄙之長墾荒無力者貸以穀秋成還官旱潦則免郡縣民壯役止三月使疏河芟草而墾田則募專工帝悉從之其年九月遂命貞明兼監察御史領墾田使有司撓者劾治貞明乃先詣永平募南人為倡至明年二月已墾至三萬九千餘畝又遍歷諸河窮源竟委將大行疏濬而奄人勦戚之占閒田為業者恐水田興而已失其利也爭言不便為墾語聞于帝帝惑之三月閤臣申時行等以風霾陳時政力言其利帝意終不釋御史王之棟龔輔人也遂言水

田必不可行且陳開濟沱不便者十二帝乃召見時
行等諭令停役時行等請罷開河為事墾田已工部
議之棟䟽亦如閣臣言帝卒罷之而欲追罪建議者
用閣臣言而止貞明乃還守故官尋乞假歸十八年
卒貞明識敏才練慨然有經世志京東水田實百世
利事初興而即為浮議所撓論者惜之初議時吳人
伍袁萃謂貞明曰民可使由不可使知君所言得無
太盡耶貞明問故袁萃曰北人懼東南漕儲派于西
北煩言必起矣貞明默然已而之棟竟劾奏如袁萃
言

張朝瑞字子碩海州人隆慶初舉進士除安丘知縣
有能聲改補鹿邑集流移嚴保甲舉鄉約大要以惠
窮黎遏奸宄為惡邑強半侵于衛民苦虛賦乃履畝
度之復侵地七千餘頃治績最當遷會有嫌者稍遷
南京行人司副移戶部員外郎進郎中遇當權稅率
辭不受萬曆中出為金華知府歲後穀浦責出庫金
責糴而平糴民忘其災葺先賢祠拓為崇正書院置
田二千餘畝貯經籍延師儒教之士風為振遷濟寧
兵備副使兼治河時有議鑿性義嶺通漕渠者朝瑞
謂地險非便忤督河大臣意杜門求去遂改浙江進

湖廣叅政屏黜介殘以清淨為理召拜應天府丞遷
南京鴻臚卿會黃河西注阻漕朝瑞請塞黃垵口復
徐邳故河謂垵之不塞則徐呂之水不流江南漕粟
千艘無入京之路議與河臣楊一魁左格不行嘗攝
應天府事以先所建表忠祠祀建文朝忠臣未盡為
增六十餘人廷推太常卿未下一日疾作端坐而逝
朝瑞勤學勵行風格執羣其卒也貧不能具殮僚友
將石歸之天祿初進益靖恪

兵廣字志東嘉陽人萬曆五年進士授南康推官舉
法不避豪強御史劉奎既獲罪有司復搆其父置對

或盛氣詬誅度獨慙問獲視惟謹入為戶部主事權
統九江盡弛苛禁歸案無長物歷部中出汝寧知府
一意清靜與民休息監司惡其簡傲置下考巡撫吳
自新深知度賢劾奏監司置度治行第一父喪去官
補歸德出無事數十人河決黃堽口河臣檄疏走河
度不可曰水性就下今所疏河反高是逆行也事得
寢尚書沈鯉家奴犯前導執而挾之鯉聞往謝時人
兩賢馬進陝西副使以病去改補山西入為太僕少
卿時巡撫多缺人或諷度一詣當塗度笑曰有呈身
都御史耶四十年進光祿卿中人傳言橫索度覺其

詐輒云俟奏取進止多氣懾去屬吏挾中人說者
劾去之累乞骸骨不允尋卒贈戶部右侍郎度初為
諸生知府邵元哲高其文行延為弟子師居月餘以
病謝元哲知其不屈顧念度貧為置田數頃謝曰吾
家無任耕者遺之百金復不受元哲嘆曰窮視其所
不取吾今乃益知丘生矣度艱於予家人為置妾久
而還之仍處予也其操行如此

傅好禮字伯恭固安人萬曆初舉進士知涇縣治最
入為御史嘗陳時政請節游宴傳內操罷外戚世封
止山陵行幸又上劾賢杜漸諸疏語皆剴切而年

巡按浙江歲大役督屬吏賑恤請蠲田租停織造折
漕糧留鹽課分賑多報可行部湖州見饑民載道而
官無宿儲用便宜發僧折銀萬兩易粟賑之乃奏請
服擅發罪帝特宥之與巡撫滕伯翰合陳恤民十二
事詔皆允行民困大蘇布政使陶幼學副使吳晦苑
馬少卿戴鳳翔里居不法劾治之而薦故副使顏鯨
尚賢丞李樂等九人時論以為當改按山東泰安州
同知張壽朋當貶秩吏部用為永平推官好禮馳疏
駁之因劾文選部謝廷霖繆妄廷霖坐停俸壽朋改
調好禮尋謝病歸還朝巡視京營進光祿少卿改太

常是時稅使四出海內騷然二十六年冬奸民張禮
等偽為官吏從群小百十人分據近京要地稅民間
雜物不遺蔬果弗予檢校或至死行旅幾絕好禮亟
陳狀且曰自朝鮮用兵費民富者貧貧者死民心思
亂久矣奈何又加虐政國家縱貧亦不當頭會其歛
至此括細民續命之脂膏而曰為國家實內帑辱國
傷教臣竊羞之况奸徒所得千萬輸朝廷者不過什
一陛下又何利而為之耶奏入四日未報復具疏趣
之帝大怒傳旨錫三級去之外大理卿安陽吳定疏
救帝益怒猶好禮大商廣昌典束定錫三級調邊方

言官優交章論救斥定為民已下好禮疏命嚴衛戚
緝于是禮等三十八人俱下詔獄其害亦除好禮之
官未幾請急歸家居十五年卒天啓中贈太常卿定
字子靜好禮同年進士由南樂知縣入為御史疏請
停止內操言藝至尊於干戈之場試戰伐於禁省之
地佳之則不祥玩之則不震假使習練有成無聞帝
主盛節况練未必成且有隱憂足慮乎忤旨奪俸出
按山東僉事吳之彦者前為御史與趙用賢絕婚至
是定劾其貪罷去積資擢大理丞進少卿十七年以
右僉都御史巡撫雲南黔國公沐昌祚貪縱為巡按

御史楊紹程所劾降旨切責定因刊制詞及禁革諸
事樹之黔國府第前昌祚大慚夜使人竊去定後寇
章論列帝再切責全立功自贖時叛賊思簡招緬甸
兵侵孟養克之遂犯迤西猛廣定告急詔定及昌祚
移鎮要害假便宜進兵已而賊直逼永昌騰衝定等
力拒之賊乃引退無何賊首賀正復結緬甸作亂昌
祚已部勒將士刻日進兵忽稱北屬皆良民不得輕
勒諸將遂班師定憤復飛章彈劾且引罪乞休給事
中王德完請安置昌祚南京令其子代鎮帝乃視昌
祚冠服遠治其爪牙昌祚自是不敢肆二十年丁改

等十寨蠻人為亂定督兵進討斬首千二百有奇俘獲二千招降六千六百帝為宣捷告郊廟進定右副都御史予一子官昌祚亦加少保故事雲南歲貢金二千兩至是驟加三千尋用閭臣言減五之一定以金戶盡死亡極言不可增狀帝怒命仍以五千為額其秋召拜大理卿請假去二十六年起故官遂以敘好禮削籍久之遇赦復官致仕既卒以軍功贈兵部尚書

鄒觀光字孚如雲夢人生四歲輒能讀書九歲為諸生未冠舉於鄉尋舉萬曆八年進士授中書舍人官

曹無事日借魏允中顧憲成劄廷簡講求經世務父
憂歸三年間人罕見其面起除吏部主事粗衣糲食
讀書不倦累遷驗封郎中發吏偽增歲月得官者百
人曹署為之一清二十年以考功郎中佐陸光祖司
外察力拒請謁僥倖者悉不免先是陳與郊掌吏科
交通文選郎謝廷來考選納賕濫授科道至是論黜
者五人御史張應揚因請并罪與郊廷來時二人已
進太常少卿遂忤職觀光尋代王教為文選郎中
列上鈐政四事其一案推讓言寄見一二御史當遷
轉時爭一俸至于攘臂臣竊耻之請在內大僚及使

兵二科都給事中文選考功職方郎中在外巡撫及
提學憲臣拜命之日舉一人自代臣部郎著之籍以
需後用既教推讓之風復得賢才之用一更事例如
進士服闋三甲應除外吏者得視二甲除部曹二甲
應官南都者留官京師若是則本應為部曹京官者
何以加之中書行人推官知縣年未三十不得為科
道惟庶吉士改授則不然豈數歲之閑歷不取兩載
之優閒臣以為若此者宜更也一破拘繫如邊疆重
地宜擇賢才今稍值多事偶一擇人遂興怨讎銓臣
左顧右盼祇付之不必才且賢者不幾輕視封疆哉

遠方郡縣例除舉貢倘畀之進士便謂授荒故銓臣
寧需次而不敢授即或授之旋必議調抑何拘也諸
道監司近有入為京卿者惟郡守獨無不知剗治拊
循專藉郡守何獨輕之此資格當破也一酌推陞建
言諸臣雖聚沉抑請別其時之久近言之當否品之
優劣予以量移寄祿繹明旨不曰毋得混推則曰不
許驟用是聖意特惡夫混與驟耳豈謂終不許推用
哉疏入不報會給事中喬希綸陸光祖并及觀光遜
移疾歸後歷南京太僕少卿觀光留意理學里居行
義甚協為考功最有名論者謂觀光是年外察及趙

南星次年京察為先後考察之冠云王教潯川人隆慶五年進士歷官文選郎中佐陸光祖澄清吏治為權要所憾都給事中胡汝寧遂承風論列事旋白二十年春光祖議用萬國欽建寧推官饒伸刑部主事二人皆建言罷黜者帝怒責光祖市恩盡削選司諸郎藉時教以疾在告不署名乃與員外郎葉隆光主事唐世充陳遵璋並點閣臣趙志舉及光祖論救亦被譴讓教遂永廢是時帝疾建言諸臣一斥輒不起教之後孟化鯉馮生虞咸以推用直臣空司而遂自是銓臣相戒無復登啓事者矣先是楊巍秉銓與政

府一無牴牾故為選部者咸從容取京卿而去自陸
先祖孫鑰陳有年相繼與政府抗政府不能容一時
選部若教觀先化鯉生虞及顧憲成皆不獲安其位
難諸臣自以強直忤帝其所以去亦不盡由帝意也
化鯉生虞憲成自有傳

章嘉禎字元禮德清人萬曆八年進士授蒲圻知縣憂
歸補當塗歲大旱蝗飛蔽天將及境嘉禎禱之一夕
蝗盡赴水死民有治地得金者金錫嘉禎二字持以
獻曰天賜也嘉禎取金熟視之謬曰此文乃嘉祐圓
宋物也令籍入庫御史喬璧星按部至索行爐嘉禎

不為其壁星怒夜宿太平驛見驛中為位祀嘉禎召
丞欲捷之丞言今有德于民民皆奉祀何捷丞為壁
星趨具驗丞出食頃擔囊而至皆民所祀嘉禎祠版
也壁星大感動時疏薦之擢兵部主事移禮部二十
一年尚書陳有年秉銓調為己屬歷文選員外郎明
年坐會推內閣失帝意部中顧憲成削籍嘉禎亦謫
羅定同知解職歸里長孫生有詔起廢吏部錄上削
籍官范雎等百有十人左降官鄒元標等九十六人
帝遂回久之三十六年始起嘉禎憲成及于玉立王
士昌四人嘉禎得南京刑部主事再遷尚寶丞時憲

成已卒奏言微臣幸荷賜環乞盡起元標僞等列之
朝署且謚憲成及孟化鯉以慰幽魂不報歷通政泰
議右通政時方嚮用坐忤御史劉廷元中以京察將
貶秩調用遂歸天啓改元起兩淮運司判官三遷大
理左寺丞卒嘉禎操行純粹負經濟大畧而托于當
路竟不獲展其志焉

劉憲寵字抑之慈谿人萬曆十四年舉會試連遭親
喪不飲酒食肉處內者凡六年既廷對授吉安推官
治獄明恕屬邑泰和萬安多兼并時值鄉試已聘憲
寵分較辭之而有虔田事躬履阡陌無間寒暑比竣

事豪家莫敢擇入為虞衡主事改儀制進員外郎專
司冊庫凡王府請名封朝報夕奏掾吏無敢牟利帝
將建東宮既諏吉矣以冊寶未具傳掾易期奉朝駭
愕憲寵與首輔沈一貫同郡悉請一貫封還大禮遂
定尋進郎中皇長孫生憲寵言于內侍李廷機請頒
赦天下尊上聖母殿號一以皇長孫禮行之禮成擢
光祿少卿久之奉使韓府遂引疾歸天啓初用薦起
官再遷右通政疏陳加賦之害極言民膏盡竭寇盜
已起當減賦以弭之帝報曰加賦非得已今何策以
濟兵食備列以聞憲寵乃條上屯田鹽筴鼓鑄三事

帝頗採納五年擢南京太僕卿憤魏忠賢亂政清流盡斥復引疾歸憲寵清介恬雅於世味泊如門戶既興無所附虎猶為小人指目列之東林竟遭削奪案積復之卒于家

洪文衡字平仲歙人萬曆十七年進士授戶部主事帝將封皇長子為王偕同官賈巖合疏爭之尋改禮部與部中何喬遠善喬遠坐誅誤被誦文衡義不獨留時已遷考功主事竟引疾歸後帝大斥吏部諸部文衡亦改南京工部歷部中力按薦章杜中貴橫索凡諸冗費節省為參官工部九年始進光祿少卿又

三年改太常督四夷館時中外競請起廢帝率報寢
至是特起顧憲成已辭疾而朝貴猶憚其登用御史
徐兆魁首疏力攻之文衡慮帝惑兆魁言抗章中書
且曰今兩都九列強半無人仁賢空虛識者浩歎所
堪選擇而使者祇此起廢一途今憲成尚在田間已
膺網羅俾聖心愈疑連茹無望則是貽禍賢者流毒
國家實兆魁一疏基之尋進大理少卿以憂去泰昌
元年起太常卿時光宗既崩議升祔文衡請視睿宗
曰此肅宗一時崇奉之情不令古誼且睿宗嘗為武
宗臣矣一旦加諸其上禮既不合情亦不安當時臣

予過于將順因循至今竊謂情陰于一時禮垂于萬
世更定之舉正在今時疏格不行未幾卒贈工部右
侍郎文衡天性孝友居喪不飲酒食肉不處內者三
年生平不妄取一介士論許之同邑鮑應鰲字山甫
萬曆二十三年進士除戶部主事以清操聞三十一年
改禮部教習駙馬都尉楊春元明年春元以小故
棄官去應鰲坐除名久之復官歷郎中皇太子生母
王氏薨詔喪禮一如世廟沈貴妃應鰲以沈妃禮簡
考穆宗生母孝恪太后故事上之議者稱其遵禮應
鰲端亮有學識議事持正不阿東銓者以物望將調

之吏部而應鰲拔與東林及李三才善群小忌之于
是南京御史孫光裕給事中劉文炳連章誣議遂謝
病歸天啓初以故官召旋擢尚寶少卿改太常卒贈
太常卿

歐陽東鳳字介佃潛江人生有至性年十四喪父哀
毀骨立母病逾年朝夕侍湯藥不離側母嘔血臨而
食之舉于鄉知縣憫其貧遺以絕田二百畝謝不受
舉萬曆十七年進士除興化知縣大水壞堤民失業
力請蠲賑上官不應遂自疏于朝坐越奏停俸然折
浮糧蠲逋賦竟如所請稍遷南京刑部主事勅祭酒

馮夢禎兩廣總督侍郎陳大科不檢兩人遂罷去進
部中出為平樂知府地多猺獞不習官法寧死不敢
見有司奸吏因得肆侮往往致變東鳳多方輸教始
稍稍出見為開示誠信撫以寬大其人大喜遂相親
如子弟因白督學監司擇年十五以上俊秀者俾之
入學由是漸知禮讓稅使橫行東鳳力抗之民得安
業以才調常州故事知府蒞任屬邑飾供帳值千金
東鳳一切麾去布幃瓦器身先儉樸雅政明敏案無
留積胥吏無所牟一錢奸人劇盜擒賊殆盡郡中無
聲居四年遷潁州兵備副使訓武練兵治貪墨獎廉

吏屬吏凜凜居踰年見時事亂紛遂謝事歸尋起小
西副使擢南京太僕少卿並辭不就卒于家初東鳳
知常州與無錫知縣林宰復東林書院聚郡人顧憲
成允成錢一本史孟麟高攀龍劉元珍薛敷教安希
范張納陞諸人講學其中東林之名以是起其後曾
櫻來知府事復振興焉錫人乃合祀之曰三公祠
王述古字信甫禹州人萬曆十七年進士除富陽知
縣以才調崇德治尚簡靜不屑簿書期會以故不得
大吏歡隨牒平進為戶部主事又以崇德事誣謫
知內丘入為刑部主事歷郎中故書獄起當事者欲

窮治胡化以累郭正域述古力爭化得免楚王勅宗
室華越等尚書蕭大亨欲以謀害親藩論死正域主
謀與同罪述古又力爭且曰誰非高皇帝子孫一旦
駢戮數十人勢且激變戕殺大吏孰任其咎事亦止
其後宗人果殺趙可懷人以是稱述古先見三十二
年出為常州知府部內多貴族憚述古端介不敢干
以私纖造中貴道其境述古不出迎中貴怒訴之御
史御史令其僚劾之述古曰幸語按君吾不為側媚
也其勁直如此父喪除起知保定舉治行卓異遷陽
和兵備副使代王廢長子鼎渭立次子鼎藩廷議爭

之二十年不決至是再下撫按勘巡撫汪可受初惑
諸道監司議頗主鼎莎述古力辯其非且以秦府承
和王惟耀事為證可受大悟自是搖撼百端屹不為
竟得改正述古之力也順義王捨力克卒其孫卜石
兒常嗣而五路要挾不已邊臣又居為利迄五年封
事不成述古博諷邊人得其要領言于當事曰夷性
難厭惟堅持故事無所增減其心自定今忠順求婚
兀慎擺要諸酋求賞情更迫切操縱在我何為倒持
授人柄當事者初然之後五路擁衆城下諸將懼爭
尤述古述古持益堅五路迄不敢肆已通事馮大梁

交通事覺亡去淳實盡裁五路絕望封事遂成時述
古已進按察使錄功再進右布政使兵備如故命需
次為巡撫河南鄉試主考吏部員外郎周士顯發策
言六經亂天下而有餘述古憤昌言曰自古小人未
有毀六經者自王安石廢春秋國論無所取衷而中
原遂淪于金因惡道學并追咎六經詆毀孔孟豈孔
孟亦當因東林連坐乎語聞于朝朝責惡之會再舉
車異言路遂有敗之者未及遠而卒述古舉進士與
高攀龍薛敷教歐陽東鳳全出趙南星門後四人更
相砥礪並以名節顯時論稱之

姜志禮字立之丹陽人萬曆十七年進士歷建昌衛
州二府推官入為大理評事三十三年以囚多瘦死
疏言行按之間一日而斃者十五人積日而計亦何
紀極又况海內小民罹災祲而轉死溝壑及為礦稅
之所羅織貂璫之所攫噬含冤而畢命者又復何限
乞下德音凡囚罪可原者亟為矜宥勿致淹繫愁苦
無聊之民時賜賑救且盡除礦稅毋使宵人竊弄魁
柄賊虐蒸黎不報歷刑部員外郎出為泉州知府遷
廣東副使並有聲進山東右叅政分守登萊時福王
以帝爰子封國河南詔賜田二百萬畝跨山東湖廣

之境及王既之國道中貴徐進來督賦勢甚張志禮
抗疏諫曰臣所轄二郡民不聊生且與倭為隣日勤
保障其不宜有藩府莊田以擾茲土也明甚且自高
皇帝迄今累十餘世封王子弟多矣有賜田二百頃
延連數十郡者乎繼此而封尚有瑞惠桂三王也倘
比例而請將予之乎不予之乎不予則璫非毛裏之
親予之則將無地可給况國祚靈長久且未艾嗣自
天家予姓各援今日故事以請臣恐方內土田不足
供諸藩分裂也帝得疏大怒貶三秩為廣西僉事久
之遷江西叅議天啓三年由浙江副使入為尚寶少

卿尋進鄉河南進玉璽魏忠賢欲志禮獻之志禮不可忠賢怒令私入劾其衰老遂乞休詔加太常少卿致仕已而削籍崇禎初復官志禮性淳樸所居多政績亦以行誼稱于鄉

馮應京字可大盱眙人萬曆二十年進士當官都督會年憂變起乞一遠邑自效以母憂不果起授戶部主事督薊鎮軍儲以廉幹聞尋調兵部進員外郎二十八年擢湖廣僉事分巡武昌漢陽黃州三府應京素厲行檢以命世自期至是絕貪墨摧豪強風裁大著稅監陳奉橫恣巡撫支可大以下唯諾惟謹應京

獨以法裁之然奉不能悛培克萬端至伐塚毀屋剝孕婦溺嬰兒軍民人人思亂其年十二月有諸生妻被辱赴訴上官市民從者萬餘哭聲震地遂羣入奉廨欲與奉俱死諸司馳救乃免然其下多被傷應京因民不忍為捕治其爪牙奉怒一日陽餉食而置金其中應京復暴之益慚恨明年正月置酒邀諸司以甲士千人自衛遂舉火箭焚傷民居民羣擁奉門號呼奉遣人繫之多死乃辟其危擲諸逮民並洶洶可大噤不敢出聲應京獨抗疏列其九大罪奉亦誣奏應京抗命凌勅使帝怒命貶雜職調邊方給事中田

大益御史李以唐等交章劾奉乞宥應京帝益怒除
應京名是時襄陽通判卹宅推官何棟如棗陽知縣
王之翰亦以忤奉被劾詔宅之翰為民棟如達達儀
以都給事中楊應文論救遂并逮應京宅之翰三人
頃之奉又以抗拒誣劾武昌同知卞孔時孔時亦被
逮緹騎抵武昌民知應京獲重譴則相率痛哭奉乃
大書應京名列其罪榜之通衢士民見者益憤聚眾
大譟至數萬人圍奉廨奉窘逃匿楚王府遂執其爪
牙六人投之江并傷緹騎等可大助虐焚其府門可
大亦不敢出奉潛遣泰隨三百人引兵追逐射殺數

人傷者不可勝計日已曠猶紛相擊應京因服坐檻
車曉以大義乃稍稍解散奉亦心悸匿楚府適月不
出亟請還京大學士沈一貫因極言奉罪請立代還
科道亦多言之帝猶未許俄江西稅監李道亦奏奉
侵匿狀乃召還隸其事于承天守備杜茂頃之東廠
奏緝騎有被擊死者帝愠甚手詔內閣欲究主謀一
貫慮再激變力言民心宜拊請亟遣重臣代可大拊
循因以侍郎趙可懷薦帝乃褫可大官令可懷馳往
未至可大已遣兵護奉行舟車相銜數里不絕比可
懷入境亦遣使護之奉得逖遯而去而應京之就逮

也士民擁檻車號哭車不得行既去則家為位祀之
三郡父老復相率詣闕訴寃帝不省吏科都給事中
郭如星刑科給事中陳維春更連章劾奉帝怒謫兩
人遣方雜職繫應京等詔獄考訊久之不釋應京乃
于獄中著書昕夕無倦三十二年九月星變修省廷
臣多請釋繫囚于是應京及宅棟如獲釋之翰先瘦
死而孔時繫獄如故應京志操卓犖學求有用不事
空言為淮西士人之冠出獄三年卒天祚初贈太常
少卿謚恭節棟如無錫進士居官守正既為奉所陷
襄陽人赴闕訟寃不聽及出獄削籍歸家居十七年

天啓初始起南京兵部主事會遼陽陷議募兵棟如
自請行遂請資帑金赴浙江得六千七百人南至而
廣寧復陷又自請出關視形勢乃進太僕少卿充軍
前資盡棟如志銳而才疏初在浙不能無浮費所募
兵畏出關又多逃亡及是兩疏論熊廷弼王化貞功
罪語頗侵當事給事中蔡思充朱童蒙御史陳保泰
遂交章劾棟如棟如疏辨因請非時考察京官用清
朋黨朝責益恨遂下詔獄榜掠傳至五年秋竟坐職
戍滁陽崇禎初復官致仕卒之翰林州人由鄉舉官
萊陽力阻開礦遂被逮天啓初贈光祿少卿孔時既

長繫廷臣救者章數十上帝皆不省四十一年萬壽節葉向高儀以為言乃削籍放還熹宗立起南京刑部員外郎

麻溶字如水宣城人萬曆十一年擢第授戶部主事用清望調吏部稽勲司歷文選員外郎稽勲部中時同官趙南星以忤柄臣去國溶抗疏曰南星斥必不可縱之奸宄必不可撓之勢何負于朝廷而放逐不旋踵乞召還以重針典否則閣臣託專擅之說竊明旨以攬魁柄臺諫承閤臣之指借彈章以亂官方銓臣畏群毀而迫于無可奈何啓扶同蒙蔽之禍將趨

附成風奉公之士危固上之患作疏入政府惡之尋
出為山西叅政分守汾州歲饑溢以地產鐵採之可
以招流移少弛其禁民甚賴之率屬吏捐贖錢置倉
積穀視豐歉出納一方遂為永利遷山東按察使稅
使馬堂肆虐臨清民不堪命市人數千環譟其門堂
懼令人從內發矢射殺二人衆遂大譁火其署格殺
其爪牙三十四人堂窘甚賴守備王煬救免堂初甚
德煬業已狀聞有疾煬者謂煬實主謀易贖上奏煬
遂被死于獄時捕治亂民急衆多逃亡有王朝佐者
雅仗義輕生獨詣吏自承曰殺人者我也無與衆人

事請獨當之當事猶欲株連洛爭曰稅使實激變奈何濫殺吾民孰不可平以朝佐名上得旨報免此行刑朝佐引頸受刃顏色不變鄉人義之為立祠奉祀洛治獄務得情獄牘山積批閱每至夜分遂積勞成疾會遷河南右布政使卒于道貧不能斂僚友資給歸其喪吏部尚書李戴等頌其清節于朝詔贈太僕卿洛四歲而孤性孝友拜吏部歸姊適卒親友出迎數十里獨吳氏兩甥不至洛問故或對以母疾尋且至及郭又不見洛訝曰得非吾姊有故乎急易服間道泣而奔時長吏及鄉紳冠蓋鱗集忽失洛愕愕

昭聞以姊喪故皆咨嗟太息而散孫三衡字孟璿

劉永澄字靜之寶應人八歲讀文信國正氣歌衣帶

贊即為位拜之舉萬曆二十九年進士不好吏事謁

選為順天教授勉諸生以聖賢嚴課程飭行檢束修

之愧不及子門學者稱為淮南夫子遼國子學正雷

震郊壇李廷機為禮部具修省事宜不及求言永澄

上書曰災異求直言自漢唐迄本朝未之有改也往

萬安劉吉惡聞人言災異詔中不及朝政鄒汝璽疏

論之炳烈千古然則塞諤諤之門務容容之福者可

謂朝廷有人乎故為公報主計無如開言路為永澄

報公計亦無如請公開言路廷機永澄座主也得書
默然楚宗妖書京察諸事起永澄將其疏有所糾彈
適其父至京師焚其草而止滿三載當遷官永澄喟
然曰陽城為國子師斥諸生三年不省覲者况身為
國子師乎遂引疾歸家徒四壁立絕不干謁有司李
三才雅敬永澄而憚其方介每見輒屏去服御疏布
相對同年生為揚州推官念其貧吏人有所求者令
以金進永澄笑却之曰所求當得何以金為所求不
當得又何以金為真所謂不知故人者矣居恒寡交
游惟與顧憲成高攀龍劉宗周文震孟善以風節相

期四十年起兵部職方主事病不赴卒于家年三十
七劉宗周曰靜之好論古人得失嘗曰古人往矣千
載之下為吾檢點安知千載之下更無檢點我者其
刻勵自任如此

論曰諸人數歷中外論建倭倭凌厲之節如喬松挺
勁異於凡草矣顧皆挫于中賁落顏姜振拔罕能
而櫻稅使之鋒者被毒尤棘當斯時也蓋明事其岌
岌矣